

Na osnovu člana 13. tačka 5. Uredbe o jedinstvenoj metodologiji za procjenu šteta od prirodnih i drugih nesreća ("Službene novine Federacije BiH", broj 75/04 i 38/06), Vlada Federacije Bosne i Hercegovine, na prijedlog Federalne komisije za procjenu štete, donosi

ODLUKU

O POSTUPKU I KRITERIJIMA ZA DODJELU JEDNOKRATNE NOVČANE POMOĆI OPĆINAMA I KANTONIMA ZA OTKLANJANJE ŠTETA NASTALIH OD PRIRODNIH I DRUGIH NESREĆA

I - OSNOVNE ODREDBE

I.

Ovom Odlukom uređuje se postupak i kriteriji za dodjelu jednodratne novčane pomoći koja ima karakter interventne pomoći ili granta (u daljnjem tekstu: jednodratna pomoć) kantonima i općinama za hitne intervencije i za otklanjanje šteta koje nastanu od prirodnih i drugih nesreća iz sredstava Federacije Bosne i Hercegovine (u daljnjem tekstu: Federacija) koja su obezbijedena za te namjene.

II.

Jednodratna pomoć dodjeljuje se iz sljedećih sredstava i to:

- iz Budžeta Federacije Bosne i Hercegovine koja se obezbjeđuju u skladu sa odredbom člana 179. tačka 1. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03 i 22/06 - u daljnjem tekstu: Zakon o zaštiti i spašavanju),
- iz sredstava koja pripadaju Federaciji na osnovu člana 180. Zakona o zaštiti i spašavanju i to najviše u iznosu do, 40% sredstava prikupljenih tokom tekuće godine, kako je to predviđeno Odlukom o uvjetima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine Federacije BiH", broj 46/05).

III.

O dodjeli jednodratne pomoći iz sredstava predviđenih u tački II ove Odluke odlučuje i to:

- Vlada Federacije Bosne i Hercegovine (u daljnjem tekstu: Vlada Federacije) o sredstvima iz tačke II. stav 1. alineja 1. ove Odluke,
- Federalni štab civilne zaštite (u daljnjem tekstu: Federalni štab) o sredstvima iz tačke II. stav 1. alineja 2. ove Odluke.

Organi iz stava 1. ove tačke jednodratnu pomoć dodjeljuju na prijedlog Federalne komisije za procjenu štete (u daljnjem tekstu: Federalna komisija), na način predviđen ovom Odlukom.

Organi iz stava 1. ove tačke, na prijedlog Federalne komisije odlučuju o dodjeli pomoći drugim državama na osnovu njihovog zahtjeva, odnosno po zahtjevu nadležnog državnog organa Bosne i Hercegovine.

II - POSTUPAK ZA DODJELU JEDNOKRATNE POMOĆI

IV.

Općina, odnosno kanton mogu podnijeti zahtjev za dodjelu jednokratne pomoći iz sredstava Federacije predviđenih u tački II. ove Odluke u dva slučaja:

- 1) za hitne intervencije,
- 2) za otklanjanje nastalih posljedica.

Jednokratnu pomoć za slučajeve iz stava 1. ove tačke, općina prvo traži od vlade kantona, pa ako vlada kantona nije u mogućnosti iz sredstava kantona udovoljiti zahtjevu općine ili je dodijelila samo dio tražene pomoći, u tom slučaju vlada kantona zahtjev općine dostavlja Vladi Federacije za dodjelu te pomoći iz sredstava Federacije.

Zahtjev za dodjelu jednokratne pomoći iz stava 1. ove tačke, za općinu podnosi općinski načelnik, a za kanton - vlada kantona.

Zahtjev za dodjelu jednokratne pomoći iz sredstava Federacije, vlada kantona podnosi Vladi Federacije, odnosno Federalnom štabu, putem Federalne uprave civilne zaštite (u daljnjem tekstu: Federalna uprava) koja taj zahtjev odmah dostavlja Federalnoj komisiji na nadležni postupak.

1. Zahtjev za dodjelu jednokratne pomoći za hitne intervencije

V.

Zahtjev za dodjelu jednokratne pomoći za hitne intervencije općini, općinski načelnik podnosi u toku vođenja aktivnosti na spašavanju ljudi i materijalnih dobara koji su ugroženi ili nastradali od prirodne ili druge nesreće, kada je novčana pomoć neophodna radi preduzimanja određenih hitnih mjera na zaštiti i spašavanju.

Zahtjev iz stava 1. ove tačke sadrži naročito sljedeće podatke: datum kada je nadležni organ općine proglasio nastanak prirodne ili druge nesreće, vrsta prirodne ili druge nesreće, područje koje je ugroženo, orijentaciona procjena štete koja je nastala po ljude i materijalna dobra koju je utvrdila općinska komisija za procjenu šteta, opće stanje na ugroženom području) mjere koje se preduzimaju, visina novčane pomoći koja se traži i konkretni zadaci za koje će ta sredstva biti korištena.

Uz zahtjev se prilaže:

- akt nadležnog općinskog organa koji je proglasio nastanak prirodne ili druge nesreće, ako je taj akt donesen,
- izvještaj općinske komisije za procjenu šteta koji sadrži preliminarne podatke o šteti koja je nastala po ljude i materijalna dobra u momentu izrade izvještaja.

VI.

Zahtjev općine iz tačke V. ove Odluke, općinski načelnik podnosi vladi kantona, putem kantonalne uprave civilne zaštite koja taj zahtjev odmah dostavlja kantonalnoj komisiji za procjenu šteta (u daljnjem tekstu: kantonalna komisija), na nadležni postupak.

Kantonalna komisija je dužna zahtjev opštinskog načelnika uzeti odmah u razmatranje i predložiti vladi kantona dodjelu pomoći općini iz sredstava kantona u cjelosti ili djelimično, a ako, vlada kantona, utvrdi da nema mogućnosti da udovolji tom zahtjevu, u tom slučaju taj zahtjev općine, vlada kantona dostavlja Vladi Federacije na rješavanje.

U zahtjevu koji vlada kantona podnosi Vladi Federacije za dodjelu te pomoći općini navodi se iznos pomoći koji je kanton dodijelio općini ili da pomoć nije dodijeljena i zbog čega, podatak o visini sredstava kantona prikupljenih u skladu sa odredbama člana 180. Zakona o zaštiti i spašavanju i stanju tih sredstava na računu, kao i mišljenje o stanju na ugroženom području općine koja traži pomoć.

Uz zahtjev iz stava 3. ove tačke dostavlja se i zahtjev općine i dokumentacija iz tačke V. ove Odluke.

VII.

Zahtjev za dodjelu jednokratne pomoći kantonu za hitne intervencije, podnosi se onda kada je nadležni organ kantona proglasio nastanak određene prirodne ili druge nesreće na području kantona, pa dođe do situacije da je tom kantonu

potrebna ta pomoć iz sredstava Federacije, u tom slučaju vlada kantona, podnosi zahtjev Vladi Federacije za dodjelu te pomoći. Taj zahtjev sadrži podatke i dokumentaciju koja je predviđena za općinu u odredbi tačke V st. 2. i 3. ove Odluke.

Zahtjev iz stava 1. ove tačke odnosi se Vladi Federacije putem Federalne uprave koja taj zahtjev odmah dostavlja Federalnoj komisiji na nadležni postupak.

2. Zahtjev za dodjelu jednokratne pomoći za otklanjanje nastalih posljedica

VIII.

Zahtjev za dodjelu jednokratne pomoći za otklanjanje (saniranje) nastalih posljedica, općina, odnosno kanton mogu podnijeti samo kada svojim sredstvima nisu u mogućnosti izvršiti finansiranje svih radnji na otklanjanju nastalih posljedica koje su neophodne za stvaranje osnovnih uslova za život i rad ljudi na ugroženom području (u daljnjem tekstu: saniranje šteta).

Zahtjev iz stava 1. ove tačke sadrži sljedeće podatke:

- naziv i adresu kantona, odnosno općine za koju se pomoć traži,
- naziv prirodne ili druge nesreće i datum proglašenja nastanka, odnosno datum proglašenja prestanka prirodne ili druge nesreće,
- datum razmatranja prijedloga za dodjelu jednokratne pomoći koji je podnijela općinska, odnosno kantonalna komisija za procjenu šteta,
- iznos finansijske pomoći koja se traži,
- konkretne zadatke, odnosno namjene za čije finansiranje se pomoć traži,
- podatke o visini sredstava kantona, odnosno općine koja su prikupljena po osnovu člana 180. Zakona o zaštiti i spašavanju i o utrošku tih sredstava,
- podatke o visini osiguranih sredstava u budžetu općine, odnosno budžetu kantona po članu 179. tačka 1. Zakona o zaštiti i spašavanju, za saniranje šteta izazvanih prirodnim i drugim nesrećama i o utrošku tih sredstava,
- podatke o uložnim finansijskim sredstvima u prevenciju zaštite od prirodnih i drugih nesreća u planskom periodu iz budžeta općine i kantona,
- podatke o dobijenoj finansijskoj i drugoj pomoći od nevladinih organizacija, drugih općina i kantona i drugih izvora predviđenih Zakonom o zaštiti i spašavanju.

Uz zahtjev se prilaže sljedeća dokumentacija:

- izvještaj o procijenjenoj šteti iz člana 29. Uredbe o jedinstvenoj metodologiji za procjenu šteta od prirodnih i drugih nesreća ("Službene novine Federacije BiH", br. 75/04 i 38/06 - u daljnjem tekstu: Uredba o procjeni štete),
- zbirni pregled šteta - tabela 1. tačka 1. člana 27. Uredbe o procjeni štete,
- akt nadležnog organa kojim je proglašen nastanak prirodne ili druge nesreće na području općine, odnosno kantona i akt o proglašenju prestanka stanja prirodne ili druge nesreće,
- akt o imenovanju kantonalne, odnosno općinske komisije za procjenu štete,
- akt nadležnog organa općine, odnosno kantona o usvajanju izvještaja o procjeni štete iz člana 29. Uredbe o procjeni štete.

Zahtjev iz stava 1. ove tačke može se podnijeti najkasnije u roku od tri mjeseca od dana kada je nadležni organ općine, odnosno kantona proglasio prestanak stanja prirodne ili druge nesreće.

Zahtjev iz stava 1. ove tačke općinski načelnik podnosi vladi kantona na rješavanje. Zahtjev se podnosi putem kantonalne uprave civilne zaštite koja taj zahtjev odmah dostavlja kantonalnoj komisiji na nadležni postupak.

III - KRITERIJI ZA DODJELU JEDNOKRATNE POMOĆI

1. Kriteriji za dodjelu jednokratne pomoći za hitne intervencije

IX.

Jednokratna pomoć za hitne intervencije može se dodjeljivati u toku djelovanja prirodne ili druge nesreće i kada je situacija na ugroženom području takva da se moraju preduzimati određene neodložne i hitne mjere koje imaju za cilj da se utiče na sprečavanje širenja prirodne ili druge nesreće, odnosno radi preduzimanja mjera i aktivnosti koje su nužne za spašavanje ugroženih i nastradalih ljudi i kojima se osigurava interventna pomoć i stvaraju neophodni uvjeti za život ljudi na ugroženom području, pod uvjetima da općina ima svoje organizovane snage civilne zaštite i da je obezbijedila prikupljanje sredstava po osnovu člana 180. Zakona o zaštiti i spašavanju.

Dodjela jednokratne pomoći pod uvjetima iz stava 1. ove tačke, može se odobriti samo pod uvjetom ako općina koja je ugrožena prirodnom ili drugom nesrećom nema sredstava za te namjene i ako kanton svojim sredstvima nije u mogućnosti obezbijediti iznos sredstva koji je u tom trenutku neophodan općini.

Kada su ispunjeni uvjeti iz st. 1. i 2. ove tačke, Federalna komisija može predložiti dodjelu jednokratne pomoći i kao akonataciju te pomoći.

2. Kriteriji za dodjelu jednokratne pomoći za saniranje šteta

X.

Jednokratna pomoć za saniranje šteta na području općine koje su nastale djelovanjem prirodne ili druge nesreće može se dodjeljivati onda kada se utvrdi da su štete velike, da općina na čijem je području nastala prirodna ili druga nesreća svojim sredstvima ne može sanirati sve štete i da je kanton dodijelio dio sredstava, ali ona nisu dovoljna da se saniraju sve štete, a nastale štete su takve vrste koje onemogućavaju normalan život i rad ljudi na ugroženom području općine, pa je njihovo saniranje neophodno u što kraćem roku.

Odredbi stava 1. ove tačke važe i za kanton kada je nadležni organ kantona proglasio stanje prirodne ili druge nesreće na području kantona i da kanton svojim sredstvima nije u mogućnosti sanirati sve štete na području kantona.

IV - RAD FEDERALNE KOMISIJE

XI.

Kada Federalna komisija primi zahtjev za dodjelu jednokratne pomoći, odmah je dužna razmotriti taj zahtjev i utvrditi prijedlog odluke za dodjelu pomoći, a ako se zahtjevu ne može udovoljiti Federalna komisija daje obrazloženje zašto se pomoć ne može dodijeliti.

1. Rješavanje zahtjeva za dodjelu jednokratne pomoći za hitne intervencije

XII.

Prilikom utvrđivanja prijedloga odluke za dodjelu jednokratne pomoći za hitne intervencije, Federalna komisija u obzir uzima naročito sljedeće podatke:

- orijentacionu veličinu područja zahvaćenog prirodnom ili drugom nesrećom izraženom u hektarima,
- mogući broj ljudskih žrtava i broj teže i lakše povrijeđenih i oboljelih ljudi,
- orijentacioni broj porušenih i oštećenih (teže i lakše) stambenih objekata,
- orijentacioni broj premještenih ili evakuiranih građana,
- orijentacioni broj porušenih i oštećenih (teže-lakše) infrastrukturnih objekata,
- prvu preliminarnu procjenu štete izražene u finansijskim pokazateljima i poduzetim mjerama za čije se finansiranje pomoć traži i
- datum kada je općina obavijestila kantonalni operativni centar civilne zaštite o donošenju odluke o proglašenju stanja prirodne ili druge nesreće na području općine i da-

tum kada je kantonalni operativni centar civilne zaštite obavijestio Federalni operativni centar civilne zaštite o donošenju te Odluke.

Procjenu podataka iz stava 1. ove tačke vrši Federalna komisija u skladu sa kriterijima iz tačke IX. ove Odluke, i na osnovu tih kriterija priprema odgovarajući prijedlog odluke o dodjeli jednokratne pomoći za hitne intervencije koju donosi Vlada Federacije, odnosno Federalni štab prema odredbi tačke III. stav 1. ove Odluke.

XIII.

Dodjela jednokratne pomoći za hitne intervencije vrši se odlukom iz tačke XII. stav. 2. ove Odluke, koja sadrži sljedeće podatke:

- naziv općine, odnosno kantona kojima se dodjeljuje pomoć,
- iznos jednokratne pomoći,
- namjene za koje se jednokratna pomoć može koristiti i
- obavezu dostavljanja izvještaja iz tačke XVIII stav 2. ove Odluke.

U jednoj odluci može se odrediti jednokratna pomoć za više općina kojima je istovremeno dodijeljena jednokratna pomoć za hitne intervencije s tim da se za svaku općinu pojedinačno daju podaci iz stava 1. ove tačke.

2. Rješavanje zahtjeva za dodjelu jednokratne pomoći za saniranje šteta

XIV.

Prilikom utvrđivanja prijedloga za dodjelu jednokratne pomoći za saniranje šteta nastalih djelovanjem prirodne ili druge nesreće, Federalna komisija u obzir uzima naročito sljedeće podatke:

- a) štetne posljedice po ljude:
 - broj ljudskih žrtava,
 - broj povrijeđenih,
 - broj oboljelih,
 - broj evakuiranih
- b) štetne posljedice po materijalna dobra:
 - broj porušenih i oštećenih stambenih objekata u vlasništvu građana i objekata u vlasništvu pravnih lica,
 - broj porušenih i oštećenih infrastrukturnih objekata,
 - štete nadrugim materijalnim dobrima (zemljište, oprema, zasadi, šume, divljač, stoka, i dr.).
- c) veličina područja zahvaćenog prirodnom ili drugom nesrećom,
- d) visina pričinjene štete iskazane u finansijskim pokazateljima,
- e) ekonomska razvijenost kantona, odnosno općina za koju se traži dodjela pomoći,
- f) mogućnosti kantona i opštine da iz svojih sredstava, koja se osiguravaju u skladu sa čl. 179. i 180. Zakona o zaštiti i spašavanju, izvrše finansiranje potreba na saniranju posljedica nastalih od prirodne ili druge nesreće,
- g) visina finansijskih sredstava koja su kanton i općina uložili u fazi provođenja zaštite i spašavanja ljudi i materijalnih dobara u toku trajanja prirodne ili druge nesreće i u fazi otklanjanja nastalih posljedica do dana podnošenja zahtjeva, i
- h) druge podatke od značaja za normalizaciju života ljudi na ugroženom području.

Federalna komisija procjenu podataka iz stava 1. ove tačke vrši u skladu sa kriterijima iz tačke X. ove Odluke.

XV.

Dodjela jednokratne pomoći za saniranje šteta vrši se odlukom koja se izrađuje na način predviđen u odredbama tačke XIII ove Odluke.

XVI.

Prilikom utvrđivanja prijedloga za dodjelu jednokratne pomoći za saniranje šteta u obzir se ne uzimaju sljedeće štete i to:

- štete koje nastanu od prirodnih ili drugih nesreća zato što nisu bile poduzete propisane mjere zaštite ili zbog krajnjeg nemara ili zato što je šteta izazvana namjerno,

- posredne štete (izgubljeni prihod zbog neobavljanja djelatnosti u oblasti transporta, ugostiteljstva, trgovine i drugim djelatnostima),
- štete na dugogodišnjim nasadima (voćnjaci i vinogradi), osim u godini štete,
- ako šteta nije prijavljena po postupku i u roku predviđenom ovom Odlukom,
- štete nastale na objektima koji su izgrađeni bez dozvole za građenje.

XVII.

Federalna komisija utvrđeni prijedlog odluke za dodjelu jednokratne pomoći dostavlja na odlučivanje nadležnom organu iz tačke III stav 1. ove Odluke i to:

- ako se jednokratna pomoć dodjeljuje iz sredstava predviđenih u tački II alineja 1. ove Odluke, prijedlog odluke za dodjelu te pomoći se dostavlja Vladi Federacije,
- ako se jednokratna pomoć dodjeljuje iz sredstava predviđenih u tački II alineje 2. ove Odluke, prijedlog odluke za dodjelu te pomoći dostavlja se Federalnom štabu.

V - OBAVEZE OPĆINA I KANTONA KOJIMA JE DODIJELJENA JEDNOKRATNA POMOĆ

XVIII.

Sredstva koja su dodijeljena kao jednokratna pomoć mogu se koristiti samo za namjene koje su navedene u odluci o dodjeli te pomoći.

Kantoni i općine kojima je dodijeljena jednokratna pomoć dužni su u roku tri mjeseca od dana objavljivanja odluke o dodjeli jednokratne pomoći u "Službenim novinama Federacije BiH", Vladi Federacije, odnosno Federalnom štabu dostaviti izvještaj o utrošku dodijeljene pomoći.

Vlada kantona i općinski načelnik su odgovorni za namjensko korištenje dodijeljene jednokratne pomoći iz tač. XIII i XV ove Odluke.

XIX.

Nadzor nad primjenom ove Odluke vrši Federalna uprava.

VI - PRIJELAZNE I ZAVRŠNE ODREDBE

XX.

Odluka o dodjeli jednokratne pomoći za hitne intervencije i odluka o dodjeli jednokratne pomoći za saniranje šteta objavljuju se u "Službenim novinama Federacije BiH".

Ova Odluka stupa na snagu narednog dana od dana objavljivanja u "Službenim novinama Federacije BiH".

V broj 554/06
28. septembra 2006. godine
Sarajevo

Premijer
dr. **Ahmet Hadžipahić**, s. r.

Na osnovu člana 32.a. stav 2. tačka 3) Uredbe o jedinstvenoj metodologiji za procjenu šteta od prirodnih i drugih nesreća ("Službene novine Federacije BiH", br. 75/04, 38/06, 52/09 i 56/09), na prijedlog Federalne uprave civilne zaštite, Vlada Federacije Bosne i Hercegovine, na 133. sjednici održanoj 15. februara 2009. godine, donosi

ODLUKU

O IZMJENAMA I DOPUNAMA ODLUKE O POSTUPKU I KRITERIJIMA ZA DODJELU JEDNOKRATNE NOVČANE POMOĆI OPĆINAMA I KANTONIMA ZA OTKLANJANJE ŠTETA NASTALIH OD PRIRODNIH I DRUGIH NESREĆA

I.

U Odluci o postupku i kriterijima za dodjelu jedнократне novčane pomoći općinama i kantonima za otklanjanje šteta nastalih od prirodnih i drugih nesreća ("Službene novine Federacije BiH", broj 60/06) u tački II alineja 2. u zadnjem redu iza broja "46/05" dodaje se broj: "i 61/07".

II.

U tački V st. 2. i 3. mijenjaju se i glase:

"Zahtjev iz stava 1. ove tačke podnosi se na obrascu H - Š - 1 - Zahtjev općine za dodjelu jedнократне pomoći za hitne intervencije, koji se nalazi u prilogu ove odluke i čini njen sastavni dio.

Uz zahtjev iz stava 2. ove tačke prilaže se obrazac PR - Š - 1 iz člana 25. stav 3. tačka 1) Uredbe o jedinstvenoj metodologiji za procjenu šteta od prirodnih i drugih nesreća ("Službene novine Federacije BiH", br. 75/04, 38/06, 52/09 i 56/09 - u daljnjem tekstu: Uredba), kao i dokumenta utvrđena u članu 30. stav 1. tač. 1) do 5) Uredbe."

III.

U tački VI st. 2. i 3. mijenjaju se i glase:

"Kantonalna komisija je dužna, zahtjev općinskog načelnika uzeti u razmatranje, u roku od sedam dana od dana prijema podnešenog zahtjeva.

Ukoliko su ispunjeni uvjeti iz stava 2. člana 33. Uredbe, vlada kantona, zahtjev općine, dostavlja Vladi Federacije na rješavanje. Taj zahtjev vlada kantona podnosi na obrascu H - Š - 2 - Zahtjev kantona za dodjelu jedнократне pomoći za hitne intervencije za općinu, koji se nalazi u prilogu ove odluke i čini njen sastavni dio".

IV.

U tački VII u stavu 1. zadnja rečenica mijenja se i glasi:

"Uz taj zahtjev prilaže se obrazac PR - Š - 2 iz člana 25. stav 3. tačka 2) i dokumenta utvrđena u članu 30. stav 1. tač. 1) do 5) Uredbe."

Stav 2. mijenja se i glasi:

"Zahtjev iz stava 1. ove tačke podnosi se Vladi Federacije putem Federalne uprave na obrascu H - Š - 3 - zahtjev za dodjelu jedнократне pomoći za hitne intervencije za kanton, koji se nalazi u prilogu ove odluke i čini njen sastavni dio. Federalna uprava taj zahtjev odmah dostavlja Federalnoj komisiji na nadležni postupak."

V.

U tački XI, u drugom redu, riječi: "odmah je" brišu se, a iza riječi "dužna" dodaje se riječ "je". U trećem redu iza riječi "pomoći" dodaju se riječi: "u roku od sedam dana."

VI.

Ova Odluka stupa na snagu narednog dana od dana objavljivanja u "Službenim novinama Federacije BiH".

V broj 106/10
15. februara 2010. godine
Sarajevo

Premijer
Mustafa Mujezinović, s. r.

BOSNA I HERCEGOVINA
FEDERACIJA BOSNE I HERCEGOVINE
KANTON _____
OPĆINA _____
Broj:
Datum,

Obrazac: H – Š – 1

Vlada _____ kantona

ZAHTJEV
OPĆINE ZA DODJELU JEDNOKRATNE POMOĆI ZA HITNE INTERVENCIJE

Redni broj	ZAHTJEV ZA DODJELU JEDNOKRATNE POMOĆI ZA HITNE INTERVENCIJE		NAPOMENA
1	2	3	3
1.	Iznos novčane pomoći koja se traži od kantona	Iznos (u KM) Namjena (konkretni zadaci i materijalna dobra na koja će sredstva biti utrošena)	
OBRAZLOŽENJE ZAHTJEVA			
2.	Vrsta prirodne ili druge nesreće, dan, mjesec i godina nastanka		
3.	Odluka o proglašenju stanja prirodne i druge nesreće	Broj akta	
		Datum	
		Vrsta prirodne ili druge nesreće	
		Naziv tijela koje je donijelo odluku	
4.	Ukupan iznos sredstava na transakcijskim računima Općine koja su osigurana za saniranje šteta izazvanih prirodnim i drugim nesrećama (na dan proglašenja prirodne ili druge nesreće)	U Budžetu općine	Broj računa Iznos sredstava u KM
		Sredstva ostvarena po osnovu posebne naknade za zaštitu i spašavanje	Broj računa
			Iznos sredstava u KM
5.	Ukupan iznos sredstva uložениh od strane općine za uklanjanje posljedica ove prirodne i druge nesreće	Iznos sredstava iz Budžeta Općine u KM	
		Broj i naziv akta kojim se dodjeljuju sredstva	
		Iznos sredstava ostvarenih po osnovu posebne naknade za zaštitu i spašavanje (članak 180 Zakona o zaštiti i spašavanju) u KM	
		Broj i naziv akta kojim se dodjeljuju sredstva	
6.	Podaci dobivenoj pomoći do podnošenja zahtjeva	Iznos dobivene pomoći od Federacije u KM	
		Iznos dobivene pomoći od Bosne i Hercegovine u KM	
		Iznos dobivene pomoći iz inostranstva u KM	

Općinski načelnik

Bosna i Hercegovina
Federacija Bosne i Hercegovine
Vlada _____ kantona
 Broj:
 Datum,

Образак: H – Š - 2

Vlada Federacije BiH

**ZAHTEJEV KANTONA
 ZA DODJELU JEDNOKRATNE POMOĆI ZA HITNE INTERVENCIJE ZA OPĆINU**

I – Iznos novčane pomoći koja se traži od Vlade Federacije BiH i namjena					
1.	Iznos novčane pomoći koja se traži od Federacije BiH (za svaku općinu pojedinačno)	ZA OPĆINU _____	Iznos (u KM)		
			Namjena		
		Ukupno za sve općine u KM			
OBRAZLOŽENJE ZAHTEJEVA					
II – Vrsta prirodne ili druge nesreće i odluka o proglašenju stanja prirodne ili druge nesreće					
2.	Vrsta prirodne ili druge nesreće, dan, mjesec i godina njenog nastanka	OPĆINA _____ Naziv općine			
3.	Odluka o proglašenju stanja prirodne i druge nesreće za svaku općinu pojedinačno	OPĆINA _____ Naziv općine	Broj akta i datum Naziv organa koji je donio odluku odluke je donio odluku		
III – Sredstva za zaštitu i spašavanje od prirodnih i drugih nesreća za općine					
4.	Ukupan iznos sredstava na transakcijskim računima općina koja se osiguravaju za zaštitu i spašavanje na dan proglašenja prirodne ili druge nesreće	OPĆINA _____ Naziv općine	Budžet općine	Broj računa Iznos sredstava	
			Sredstva ostvarena po osnovu posebne naknade za zaštitu i spašavanje	Iznos sredstava	
IV – Uložena sredstva za zaštitu i spašavanje od prirodnih i drugih nesreća od strane općine za saniranje nastalih posljedica					
5.	Ukupan iznos sredstva uloženi od strane općine za hitno saniranje ove prirodne nesreće	OPĆINA _____ Naziv općine	Iz Budžeta općine	Iznos sredstava Broj i naziv akta kojim se dodjeljuju sredstva	
			Iz sredstava ostvarenih po osnovu posebne naknade za zaštitu i spašavanje	Iznos sredstava Broj i naziv akta kojim se dodjeljuju sredstva	
			Ukupno za općinu u KM:		
V – Sredstva za zaštitu i spašavanje od prirodnih i drugih nesreća za kanton					
6.	Sredstava na transakcijskim računima kantona koja se osiguravaju za zaštitu i spašavanja na dan proglašenja prirodne ili druge nesreće	U Budžetu kantona		Broj računa Iznos sredstava	
			Sredstva ostvarena po osnovu posebne naknade za zaštitu i spašavanje	Broj računa Iznos sredstava	
		Ukupno sredstava za ove namjene:			
VI – Dodijeljena sredstva od strane kantona općinama za saniranje nastalih posljedica					
7.	Ukupan iznos sredstva dodijeljenih od strane kantona za hitno saniranje ove prirodne nesreće	OPĆINA _____	Iz Budžeta kantona	Iznos sredstava Broj i naziv akta kojim se dodjeljuju sredstva	
			Iz sredstava ostvarenih po osnovu posebne naknade za zaštitu i spašavanje	Iznos sredstava Broj i naziv akta kojim se dodjeljuju sredstva	
			Ukupno za općinu u KM:		
		Ukupno iznos u KM koji je kanton izdvojio za jednu ili više općina iz oba izvora sredstava			

VII – Dodjeljena pomoć do podnošenja zahtjeva						
8.	Podaci dobivenoj pomoći do podnošenja zahtjeva	OPĆINA _____	Od Federacije BiH	Iznos sredstava		
				Broj i naziv akta kojim se dodjeljuju sredstva		
			Od Bosne i Hercegovine	Iznos sredstava		
				Broj i naziv akta kojim se dodjeljuju sredstva		
			Iz inostranstva			
			Ukupno za općinu u KM:			

NAPOMENA: Podaci u redovima 1., 2., 3., 4., 5., 7. i 8. mogu se proširivati u slučaju da se traži pomoć za više općina i to za svaku općinu posebno

Premijer vlade kantona

Bosna i Hercegovina
Federacija Bosne i Hercegovine
Vlada _____ kantona
 Broj:
 Datum,

Образак: H – Š - 3

Vlada Federacije BiH

**ZAHTJEV
 ZA DODJELU JEDNOKRATNE POMOĆI ZA HITNE INTERVENCIJE ZA KANTON**

I – Iznos novčane pomoći koja se traži od Vlade Federacije BiH i namjena					
1.	Iznos novčane pomoći koja se traži od Federacije BiH	Iznos (u KM)			
		Namjena			
OBRAZLOŽENJE ZAHTJEVA					
II – Vrsta prirodne ili druge nesreće i odluka o proglašenju stanja prirodne ili druge nesreće					
2.	Vrsta prirodne ili druge nesreće, dan, mjesec i godina njenog nastanka	Kanton _____			
		Naziv kantona			
3.	Odluka o proglašenju stanja prirodne i druge nesreće na području kantona	Broj akta i datum			
		Naziv organa koji je donio odluku			
III - Sredstva za zaštitu i spašavanje od prirodnih i drugih nesreća za kanton					
4.	Ukupan iznos sredstava na transakcijskom računu kantona koja se osiguravaju za zaštitu i spašavanje na dan proglašenja prirodne ili druge nesreće na području kantona	Budžet kantona	Broj računa		
			Iznos sredstava		
		Sredstva ostvarena po osnovu posebne naknade za zaštitu i spašavanje	Broj računa		
			Iznos sredstava		
IV – Uložena sredstva za zaštitu i spašavanje od prirodnih i drugih nesreća od strane kantona za saniranje nastalih posljedica					
5.	Ukupan iznos sredstva uloženi od strane kantona za hitno saniranje ove prirodne nesreće	Iz Budžeta kantona	Iznos sredstava		
			Broj i naziv akta kojim se odobravaju sredstva		
		Iz sredstava ostvarenih po osnovu posebne naknade za zaštitu i spašavanje	Iznos sredstava		
			Broj i naziv akta kojim se odobravaju sredstva		
Ukupno u KM:					
V – Dodjeljena sredstva od strane kantona općinama za saniranje nastalih posljedica					
7.	Ukupan iznos sredstva dodjeljenih od strane kantona za hitno saniranje ove prirodne nesreće	Naziv općine ili više općina _____	Iz Budžeta kantona	Iznos sredstava	
			Broj i naziv akta kojim se dodjeljuju sredstva		
		Ukupan iznos u KM koji je kanton izdvojio za jednu ili više općina iz oba izvora sredstava	Iz sredstava ostvarenih po osnovu posebne naknade za zaštitu i spašavanje	Iznos sredstava	
			Broj i naziv akta kojim se dodjeljuju sredstva		
VI – Dodjeljena pomoć za kanton do podnošenja zahtjeva					
8.	Podaci dobivenoj pomoći do podnošenja zahtjeva	Od Federacije BiH	Iznos sredstava		
			Broj i naziv akta kojim se dodjeljuju sredstva		
		Od Bosne i Hercegovine	Iznos sredstava		
			Broj i naziv akta kojim se dodjeljuju sredstva		
Iz inostranstva					
Ukupno za kanton u KM:					

Premijer vade kantona

roku, dužni su dodijeljena neutrošena, kao i nenamjenski utrošena sredstva, vratiti iz nekih drugih svojih izvora.

Odluku o povratu sredstava donosi Vlada Federacije za sredstva iz tačke II. alineja 1. ove odluke, a Federalni štab za sredstva iz tačke II. alineja 2. ove odluke, na prijedlog Federalne komisije za procjenu šteta."

Dosadašnji stav 3. postaje stav 5.

III.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 397/2014
06. marta 2014. godine
Sarajevo

Premijer
Nermin Nikšić, s. r.

Na osnovu člana 32a. stav 2. tačka 3) Uredbe o jedinstvenoj metodologiji za procjenu šteta od prirodnih i drugih nesreća ("Službene novine Federacije BiH", br. 75/04, 38/06, 52/09 i 56/09), na prijedlog Federalne uprave civilne zaštite, Vlada Federacije Bosne i Hercegovine, na 102. sjednici, održanoj 06.03.2014. godine, donosi

ODLUKU O IZMJENAMA I DOPUNAMA ODLUKE O POSTUPKU I KRITERIJIMA ZA DODJELU JEDNOKRATNE NOVČANE POMOĆI OPĆINAMA I KANTONIMA ZA OTKLANJANJE ŠTETA NASTALIH OD PRIRODNIH I DRUGIH NESREĆA

I.

U Odluci o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih nesreća ("Službene novine Federacije BiH", br. 60/06 i 8/10) u tački II. alineja 2. u zadnjem redu brojevi: "46/05 i 61/07", zamjenjuju se brojevima: "4/12 i 80/13".

II.

U tački XVIII. stav 2. riječ "mjeseca" zamjenjuje se riječima: "a najkasnije šest mjeseci".

Iza stava 2. dodaju se novi st. 3. i 4. koji glase:

"Kantoni i općine kojima je dodijeljena jednokratna pomoć, a koji ne dostave Vladi Federacije, odnosno Federalnom štabu izvještaj o utrošku dodijeljene pomoći u